



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XVIII. Conuentus Spirensis, & Protestantium origo.

urn:nbn:de:hbz:466:1-11642

patefecit, inuitauitque, ut vsiuuenit, Aulicorum linguas, ad Regis
iram, propriamque ipsorum inuidentiam, innumeris in Volseum
accusationibus exsaturandam. Gliscente igitur indignatione, à ma-
gni Cancellarij munere, Vindouieni Episcopatu, sancti Albani Ab-
batia Volseus amotus, atque ad vitam solitariam priuatamque du-
cendam relegatus. Postea verò iussu Regis Londinum more capti-
ui reuocatus, ut grauissima crimina sibi obiecta dilueret, ex corpo-
ris animique molestiis in itinere extinxus est.

C A P V T XVIII.

Conuentus Spirensis, & Protestantium origo.

Non defuere Pontifici nouæ ex Germania solicitudines. Cùm per superiora Spiræ Comitia fuissent habita (quod à nobis relatum est) generalia quædam atque incerta decreta; alias Conuentus iussu Cæsaris ibidem coactus mensé Februario anno 1529. præside Ferdinando Rege, cùm ad comparandas contra Solimannum copias, qui captâ Budâ, ac præcipuâ Pannonia; parte proximis Regis ditionibus minabatur, tum ad componenda Religionis dissidia, in dies grauius nequiusque grassantia. Misit eò Pon-
tifax Ioannem Thomam, Comitem Mirandalanum, simul pollici-
tus ad bellum quidquid ipsius ditio tot perculsa calamitatibus co-
nari posset, simul cohortatus Germanos ad sinceram antiquæ Fidei
vnitatem. Variæ Anabaptistarum sectæ, vt pote odiosæ, & à Princi-
pibus Magistratibusque damnatae, ab eo Conuentu procul amotæ:
magñā tamen confidentiâ hinc Lutherani, hinc Zuingleiani adue-
nere, non minus alteri alteris inter se, quām vtrique Catholicis in-
fensi infestique. Ex quo opportunè singulis factionibus fuit com-
pertum, quænam intestina certamina pareret effrænata perulantia,
abieciis ritibus communibusque dogmatibus. Id à Suaui narratur,
ceu quoddam calliditatis artificium, à Philippo Hassia Lantgraui
detectum ac delus. im; qui vt hæreticos aduersus Catholicos con-
iunctos prestaret, illis ostendit leuein esse inter duas nouas sectas
discrepantium, eamque componendam in se recepit. At pro se quis-
que reputet, vtri inuidiosum calliditatis nomen mereantur, an
Catholicæ, dum ob oculos collocant seductis hæreticorum fautori-
bus rem planè veram, magnique ad publicam quietem ponderis,
hoc est defectionem à veteri Fide, ciuium dissensiones implacabiles
paritur; an Lantgrauius, dum alterum affirmat prorsus falsum,
leuitatem scilicet discrepantia, & alterum, quod fieri non poterat,

Vide post
alios Bzo-
vium, an-
no 1529.
num. 47.

1529.

pollicetur, videlicet inter illos concordiam; sicut exitus palam fecit

Patuit tamen, in eo Conuentu malum in præcepseruere. Et quando vires deerant, quibus ritè curaretur, aliqua certè eius compendi quæsita ratio. Hæc itaque in Comitiorum recessu 13. Aprilis anno 1529. fancita; Ut quibus locis Edictum Wormatiense fuerit acceptum, in iis usque ad futurum Concilium in posterum seruat, vbi verò mutata fuerat vetus Religio, nec posset eius exercitum reuocari absque publica rerum perturbatione, res ita persisteret, que ad Concilium: Ut *Sacramentariorum* secta, quæ nimurum in Eucharistia veram Christi præsentiam negabat, vndique pelleretur: magis quoque Anabaptistarum factio, in quos Edictum seuenitum contortum est: Ut Missæ sacrificium ubique esset in usu, que Catholicis prohiberetur in iis etiam regionibus, vbi Lutherorum inualuisset: Ut Euangelium exponeretur ex Patrum interpretatione, quos Ecclesia comprobauerat: Ut Ordines Imperij pacem in vicem exercearent, nec alius alij Religionis causâ molestiam inferret, nec alienis subditis patrocinaretur.

Litteræ Langæ ad Ioannem Thomam Mirandul. 3. Maij
1529. in
lib. 2. Liter.
ad Princi-
pes.

Obiit Frede-
ricus anno
1525. ut
narrat Sief-
denus lib. 8.

Pontifex, qui spem suam metiebatur non ex omni eo quod fieri debuisse, sed quod potuisse, rem æqui boni fecit, commendata suæ administrî operâ, & actis gratiis Catholicæ Fidei studiosis, sperante quæ Cæsarî præsentiam efficax antidotum futurum.

Haud ita contraria factio sese gessit; quæ ob numerum ac potentiam sibi fauentium animosior, cœpit laruam obsequij erga Cæsarium ac Imperij auctoritatem, ad id usque temporis obtentam, abiicerat. Vnà coaluere sex Principes, Ioannes Saxoniae Septemuir, Fredericus Successor, cuius erat frater aetate minor, sed apertâ hærefis professione maior, Georgius Septemuir Brandenburgensis, Ernestus & Franciscus Luneburgi Duces, Philippus Hassiae Lantgravius, & Wolfgangus Princeps Anhaltinus, & cum his quatuordecim ciuitates Argentoratum, Norimberga, Ulma, Constantia, Rutellinga, Wilsenium, Merminga, Lindauia, Compodonum, Hailbrunnum, Menum, Wissemburgum, Norlinga, & Sangallum; palamque constati sunt, haud sibi licere illi decreto acquiescere, quippe Euangelicam veritatem violanti; proinde ad futurum Concilium, ad Cæsarem, ad quemcumque Iudicem haud suspectum se prouocare. Recusarunt sic omnes militaria subsidia suppeditare aduersus Turcas nisi plenâ Religionis suæ licentiâ potirentur; Legatosque ad Carolum misere, qui Placentiæ illum naecti sunt, dum Bononiæ adiret ad Pontificem inuisendum, Imperiisque Coronam ab eo capessendum.

Liber hic mihi animaduertere, Martini hærefis sub uno Principe



cipe ortum duxisse; & quod ipsum pelliceret, per opinamenta vnius dominatui maximè conducedentia fuisse disseminatam: Zuinglianam contrà, è populari regimine procreatam, suorum concionibus ac scriptis fuisse diffusam per alia sensa, libertatem populi promouentia, ac præcipue, ne cum Principibus exteris per stipendia vincentur. Ex quo factum cernimus, vt in eo Conuentu Principes omnes Lutherò adhæserint, plurimæ verò ex liberis ciuitatibus Zuinglium sint secutæ.

1529.

6 Ex iam dicta protestatione in Spirensi Conuento habita, defluxit per Germaniam celebre *Protestantium nomen*, quod per apertiorēm vocem sibi vult, *Perduelles in Pontificem, ac in Cesarem*. Illi ergo, accepto responso quod referemus, coéuntēs sequenti Nouembri, ac postea denuò mense Ianuario Smalkaldæ, quod oppidum Hassia Lantgraui paret, iuncto fœdere conspirarunt aduerius quemcumque in rebus religionis molestiam sibi exhibentem. Atque hoc pacto famosum illud *Fædus Smalkaldicum* originem habuit.

7 Casar in hanc sententiam Placentiæ responderat Protestantium Legatis ^{13.} Octobris: Sibi permolestam accidisse eorum à Decreto Spirensi discrepantium, quod ad præcludendum nouitatibus aditum, ad arcendas lectarum turbas, ad Imperij concordiam confectum fuerat; adeoque debuisse Saxonie Septemuirum, eiusque socios illi acquiescere: Casarem ac reliquos Principes non minus quam ipsos percupere Concilium ad Reipublica firmamentum; quod tamen Concilium haud necessarium futurum, si Decreta communī consensione sancta, ac in primis Wormatiense, seruarentur: Cūm igitur & consuetudine & lege receptum sit, vt minor pars obtemperet iis, quibus maior ac potior Imperij pars consenserit, iam se per peculiares literas Saxoni sociisque mandasse, vt pro ea fide quā sibi atque Imperio erant obstricti, Decretum exequerentur, quod nisi præstisissent, se auctoritatis exemplique studio feuerè in eos animaduersurum: Spem tamen habere, ipsos per obseruantiam Decreti obsecuturos; quæ sanè id temporis ob Turcarum agressionem erat maxime necessaria, cūm hosti tam formidabili obsisti non posset absque mutua consensione animorum, & tamen ab illius depulsione pendere salutem vniuersæ Germaniæ, Fideique Christianæ in extremis calamitatibus deprehensa: Acturum se propediem cum Pontifice, quod atrox ille hostis propulsaretur, & vniuersa Religionis opera in Dei gloriam populorumque tranquillitatem conuerterentur: Breuè etiam Italiae se pacem compositurum, vt scipsum suaſque vires omnes conuerteret ad Germaniam defendendam.

Pars I.

E e Hære-

Id tomum à
Sicidano
narratur ini-
tio libri 7.
ann. 1529.

* Habetur
fotè apud
Bzouium
ann. 1529.
num. 48.

1529.

Hæreticorum Legati ab ea responsonie prouocarunt. Quamobrem Cæsar, tametsi indignatus, fatius habuit eos impunitos dimittere, præter vnum nomine Michaëlem Codenum, iussum capitali poena denuntiatione ibi subsistere, quod fuissest impudenter ausus Lutheri Catechismum Cæsari offerre; hic tamen inde fugam cœriput.

Huiusmodi argumenta propensæ in Ecclesiam Catholicam voluntatis à Carolo edita, Suaui displicant, quamuis à suo Sledano relata, adeoqué silentio oboluuntur: cùm præsertim ex memoria responsonie liquidè constet, Cæsarem sponte, suaque ex sententia priusquam ageret cum Pontifice, declarasse, Concilium à se minime necessarium putari. Quod probat, huiusmodi sensum non fuisse Clementis artem suis commodis inhiantem, sed persuasionem rationi consentancam, non ipsius magis quàm Cæsaris. Intelligebit hic fortassis, esse proprium hominum molientium perduellionem, publicos coctus expolcere; siquidem eloquentiæ technæ valent potissimum ad multitudinem commouendam, ut egregius ille scriptor * animaduertit, qui causas corruptæ Eloquentiæ indagavit, & tamquam præcipuam huiuscce corruptelæ causam in eo locat, quod Romanum regimen è Republica deuenerit ad vnicum Principatum.

* Auctor in
Dialogo de
causis corru-
ptæ eloquen-
tiae.



HISTO



UNIVERSITÄTS-
BIBLIOTHEK
PADERBORN